



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Decreta Provinciae Mediolanensis Sv̄b B. Carolo Borromeo, Cardinale  
Archiepiscopo, Diuersis temporibus in sex Concilijs, totidemq[ue]  
voluminibus edita

**Speciano, Cesare**

**Brixiae, 1603**

Tit. XI. De Officio Militis.

**urn:nbn:de:hbz:466:1-10553**

Quos apud se diutius hospitari non permittant.

Cap. I I I.

**N**E lenones, meretrices, historiones, mimos, & ceteros male conditionis homines, nugatoresve apud se diutius hospitari patiatur.

Erga religiosos, clericosve & pauperes qualiter se gerant.

Cap. I I I I.

**R**eligiosos, & Ecclesiasticos homines ad se diuertentes, separato si commode poterit, presertim a feminis hospitio, mensaq; excipiat: in honore habeat, nec verbis, factisve violari patiatur; pauperibus item se talem praestet, qualem se praebere christianum hospitem decet.

Haereticos denunciarent, cibos vetitos ne praebent. Cap. V.

**H**aereticos vero si quos diuertisse animaduertet, illico denunciaret, nec ullo pacto, feria sexta, & Sabbatho, alijs item praescriptis diebus ulli vetitos cibos, quouis praetextu praebent.

Mensa benedictio, & gratiarum actio adhibeatur. Cap. VI.

**M**ensa initio ab hospite, vel ab aliquo familiari benedici curet, adhibita in fine etiam gratiarum actione.

Quos virum, & foeminam simul cubare non permittatur.

Cap. V I I.

**N**E virum simul, & mulierem cubare sinant, quos suspicetur matrimonio copulatos non esse.

Qualiter aegrotum denunciaret. Cap. V I I I.

**S**i quem dum in caupona uersatur, in febrim, morbumve incidere contigerit, de eius aegritudine statim parochum certiore faciat, qui illum inuisitat, & spiritualia remedia, eidem quamprimum impertiatur.

Se verè Christianum exhibeat. Cap. I X.

**C**auso denique Christianus, ita in hospitij munere agat, ut aequitate, sinceritate, & charitate utatur, & per opera iustitiae progrediens damnationem aeternam fugiat, ac in aeterna tabernacula recipi mereatur.

## DE OFFICIO MILITIS. Tit. XI.

**C**hristianorum militum disciplina his temporibus eo prolapsa est, ut in multis Dei offensionibus, quae à militum corruptelis existunt, opere pretium etiam sit inuigilari Episcopalis monitis.



Quæ Episcopus pro salute militum præstare debet.

Cap. I.



**V**bi igitur militum præsidium constitutum est illud cum eorum Ducibus, Præfektisve Episcopus studiosè, paternaq; charitate agat, ut illi in militari statione constituti, pia Christianaq; vitæ institutis congruentes viuant, cum præsertim in militum Christianorum laude positum sit, ut pietatem in primis, & religionem erga Deum obseruent, atque colant.

Quæ milites præstare, & à quibus cauere debeant.

Cap. I I.

**Q**uod ergo ad pietatis usum, atque officium attinet id omne maxime curetur.

Ut doctrinæ Christianæ rudimentis milites rectè instituantur.

Ut frequenti sacræ Confessionis, & Communionis usu, se ad beneuendum communiant.

Ut quotidie, & mane, & vesperi certa stata hora Deum precentur.

Ut Rosario quotidiano Beatæ Mariæ Virginis, quod militibus bello contra Turcas suscepto olim præscriptum fuit, religiosè utantur.

Ut singulis diebus mane in statione communi collecti litanias recitent.

Ut in stationis loco Sacram imaginem Beatæ Mariæ Virginis, aut Sancti alicuius, quem patronum sibi, atque intercessorem in Cælis deligerint, ante oculos propositum habeant.

Ut sacerdotem item habeant spiritualis vitæ amantem Episcopi iudicio delectum, cuius monitis in militia spiritualis exercitationibus cursum teneant.

Ut in otio militari à librorum obscænorum, quiq; Christianos viros non decent, lectione abstineant, sed martyrum vitæ legendis, in quibus fortitudo, ac uirtus verè militaris elucet, totos se se occupent, cum per occupationes militares possunt.

Quid Episcopus, ut ieiunia seruent, & à blasphemijs abstineant valde agat. Cap. I I I.

**I**llud verò etiam maxime Episcopus cum militum Præfektis, ualde agat, ut ieiunia, & ciborum delectum ex præcepto Ecclesiæ seruent à Blasphemijs omnino abstineant, quas radicitus extirpare ille omnino conetur, cum militis Christiani, & præsertim illius, qui Serenissimo nostro Regi inservit, officium proprium sit etiam sanguinis profusione tueri gloriam Dei, sine cuius diuina ope nihil reliquum militi Christiano est, quod gloriosum esse possit.



A quibus vitijs vt abstineant virtutesve exequantur, qualiter illos Episcopus pias confratrias constituendas curet. Cap. III.

**V**T à furto rapinisve abstineant, idq; planè eis persuadeat, eius generis criminibus perpetuam infamiam inuri militi; considerentq; præterea, eos ex officio quod gerunt, debere ad mortem semper esse paratos.

Vt denique detractiones, mendacia, ingluuiem, alicam, luxuriam, pompamq; abhorreant; sed omnes virtutum Christianorum partes exequantur, quæ cum in omni disciplina, tum in re militari splendescunt, utilitatesq; veritas salutariter afferunt.

Atque ob has quidem causas inter illos pias confratrias instituere Episcopus curet.

## DE SYMONIA. Tit. XII.

Pro Sacramentorum administratione nedum exigatur sed nec nutu quicquam petatur. Cap. I.

Multacō  
tra symo  
nicos.  
Vide in  
Decreta.  
r. q. i. fe-  
rè per to-  
tam.



**M**Sacramenta Ecclesie non solum sine Symonie labe, verum etiam sine avaritiæ suspitione præbenda sint; c. neant omnes, nè in eorum administratione quidquam exigant; aut etiam verbis, vel signis, directè vel indirectè petat. Qui secus fecerit, eum & pœnis, iure communi statutis, & alijs arbitrio Episcopi ple-cti volumus.

Ius habentes in beneficijs quomodo nihil recipiant. Confidentialia & quæ reservatio fructuum interdicitur. Qualiterque inobedientes puniendi: Constitutioque de ijs recitanda erit. Cap. II.

**I**nterdicimus & ijs, qui ius habent ad quæcunque beneficia ecclesiastica eligendi, vel nominandi, eorum ministris cuiusvis generis, ne quidquam per quamvis causam eius rei gratia, ab aliquo, cui ecclesiasticum beneficium quavis ratione tribuatur, ne sponte quidem datam, accipiant.

Neve ita detur beneficium cuiquam, vt is ad nutum eius, qui dedit, vel cuiusvis alterius postea cedat.

Neve in eo dando vlla fructuum pars ab Episcopo, & inferioribus, contra sacrorum Canonum instituta quavis etiam pietatis specie reservetur.

Qui ex ijs, quos diximus, secus fecerit, iure ac facultate nominandi, vel presentandi deinceps uti non possit.

Qui vero beneficium conditionibus huiusmodi acceperit, sciat ex sacrorum Canonum decretis, se nullum in eo ius adeptum esse, atque ideo fructus suos non facere; quosq; perceperit, sine conscientie labe retinere non posse, ad eorumq; restitutionem compellatur.

Omnes